

ADDITIO AD MISSALE ROMANUM

Die 23 septembris
S. Pii de Pietrelcina, presbyteri

De Communi Pastorum, vel Sanctorum: pro religiosis

Collecta

Omnípotens sempitérne Deus,
qui sanctum Pium, presbýterum,
crucis Fílii tui singulári grátia partícipem esse donásti,
et per eius ministérium misericórdiae tuae mirabília renovásti,
concéde nobis, ut, eius intercessióne,
passiónibus Christi iúgiter sociáti
ad resurrectiónis glóriam feliciter perducámur.
Per Dóminum nostrum.

ADDITIO
AD ORDINEM LECTIONUM MISSAE

643 bis Die 23 septembris
S. Pii de Pietrelcina, presbyteri

LECTIO I Gal 2, 19-20; n. 740, 5.
Ps. RESP Ps 127, 1-2.3.4-5; n. 739, 8.
ALLELUIA Lc 21, 36; n. 741, 7.
EVANG Mt 16, 24-27; n. 742, 6.

ADDITIO
AD LITURGIAM HORARUM

Die 23 septembris
S. PII DE PIETRELCINA, PRESBYTERI

In vico Pietrelcina apud Beneventum in Italia ortus est anno 1887 et, Ordinem Fratrum Minorum Capuccinorum ingressus ac sacerdotio auctus, praesertim in conventu oppiduli Sancti Ioannis Rotundi in Apulia summa cum pastoralis deditio ministerium praebuit, fidelium spirituali moderatione paenitentium reconciliatione et providenti erga infirmos pauperesque cura, populo Dei inserviens in oratione et humilitate. Christo crucifixo plene configuratus, die 23 septembris 1968 peregrinationem terrenam complevit.

De Communi Pastorum, vel Sanctorum: pro religiosis, praeter sequentia:

Ad Officium lectionis

LECTIO ALTERA

Ex Litteris sancti Pii de Pietrelcina, presbyteri

(*Editio* 1994: II, 87-90, n. 8)

Lapides aedificii aeterni

Parare divinus Artifex lapides, quibus aedificium aeternum extruat, quaerit assiduis tusionibus scalpri salutiferi et diligenti exoliatione, uti mitissima mater nostra, sancta Ecclesia Catholica, canit in hymno officii dedicationis ecclesiae. Et sic vere est.

Anima quaeque ad aeternam destinata gloriam se optime lapis ad

aedificium aeternum erigendum constituta definire potest. Structori aedem erigendam quaerenti optime primum lapides ipsam exstructuras expolire oportet. Quod ille mallei scalprique tusionibus consequitur. Pariter vero Pater caelestis in animas electas se gerit, quae, inde ab aeterno, summa sapientia ac providentia Eius ad aedificium aeternum erigendum destinatae sunt.

Anima autem ad regnandum cum Christo in gloria aeterna constituta mallei scalprique tusionibus expolienda est, quibus utitur divinus Artifex, ut lapides, seu scilicet animas electas, paret. At quae mallei hae scalprique tusiones? Umbrae, soror mea, timores, temptationes, spiritus maerores ac spirituales timores aliquam aegritudinem olentes, et molestiae corporis.

Gratias, ergo, agite infinitae pietati aeterni Patris, qui sic animam vestram ad salutem deputatam gerit. Cur non gloriari benivolis his optimi ex omnibus patribus adiunctis? Aperite cor huic caelesti animarum medico et tradite vos omni fiducia pleni sanctissimis eius brachiis: qui vos tamquam electos gerit, ut comminus Iesum super clivum Calvarii sequamini. Laetitia ego et sollertissimo animi motu quomodo in vobis gratia se gesserit considero.

Haud dubitatis quin omnia, quae animae vestrae occurrerunt, Dominus ordinaverit. Ne timeatis ideo in malum seu iniuriam Dei incurrere! Sufficiat vobis scire in tota vestrae vitae ratione numquam offendisse Dominum, qui immo magis magisque celebratus est.

Si hic benevolentissimus Sponsus animae vestrae latet, id facit non quia, uti existimatis, de perfidia vestra vindicare velit, sed quia amplius periclitatur ille fidelitatem ac constantiam vestram et emendat vos praeterea a morbis quibusdam, qui tales oculis carnalibus non videntur, morbi scilicet culpaque illae, quarum ne iustus quidem immunis est. Dicitur enim in sacris paginis: «Septies enim cadet iustus» (*Prov 24, 16*).

Et credite mihi, quia, si tam afflictos vos nescirem, minus laetarer, cum Dominum intelligerem minus vobis donare gemmas ... Eicite, sicut temptationes, dubia adversa ... Eicite et dubia, quae ad vestrae pertinent vitae rationem, scilicet quod divinas vocationes non auditis

et dulcía obsístitis invitaménta Sponsi. Quae ómnia non ex bono spí-
rito, sed a malo procedunt. De diabólicis ágitur ártibus, quae, ut a
perfectióne abeátis vel saltem iter ad eam retardétis, atténdunt. Ne
demittátis ánimum!

Quandóque pandat se Iesus, grátias ipsi ágite; si se abscondit, át-
tamen grátias ágite: ómnia delíctae sunt amoris. Cúpio vos cum Iesu
super crucem spíritum trádere et cum Iesu exclamáre: « Consummá-
tum est! » (Io 19, 30).

Responsorium

Eph 2, 21-22

R. In Christo Iesu omnis aedificátio compácta crescit * in tem-
plum sanctum in Dómino.

V. In quo et vos coaedificámini in habitáculum Dei in Spíritu. *
In templum.

Oratio

Omnípotens sempitérne Deus, qui sanctum Pium, presbýterum,
crucis Filii tui singulári gratia partícipem esse donásti, et per eius mi-
nistérium misericórdiae tuae mirabília renovásti, concéde nobis, ut,
eius intercessióne, passiónibus Christi iúgiter sociáti ad resurrectiónis
glóriam felíciter perducámur. Per Dóminum.